

Protocol no. 113**Sezzüda da lündeschdi, 12 settember 2011, 20.00 – 22.00**

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann e Rico Zini (protocol) Christian Hännny (tractanda 1000)

S-chüsà: Jachen Andri Schmidt

Protocol

Il protocol no. 112 da la sezzüda dals 5 settember 2011 vain approvà.

1000 390**BASELGIA****Quadern da dovairs pel caluoster**

Christian Hännny, commember da la corporaziun evangelica, orientescha al Cussagl sur da las differentas lavurs dal caluoster e cha'l cussagl da baselgia saja landervia da s-chaffir pel caluoster ün cudesch da dovairs. Per til pudair preschantar al Cussagl cumünal han da gnir amo sclerits seguaints puncts:

1. Il üert da cumün vain rumi sù e mantgnü dal caluoster in collavuraziun cul cumün. In oters cumüns vain fatta quista lavur be dal cumün. Il Cussagl cumünal es da l'avis ch'in avegnir dess quist'incumbelanza esser surtutta dal cumün.
2. Il local dal stadi civil nun ha da che far nöglia culla baselgia. Eir quia pulischa il caluoster davopro il local, e cun quai chi nu's po passar pel mumaint plü tras il üert da baselgia, vain douvrada l'entrada principala da la baselgia. Tenor che copulaziun daja davopro bler da pulir (fluors, ris ect.). In quist cas vain proponü, cha quels chi douvran il local dal stadi civil e til laschan inavò in ün stadi chi fa da bsögn da til pulir, hajan da pajar las uras pel nettiar.

Il capo ingrazcha a sar Christian per la spiegaziun. Il Cussagl cumünal spetta dal Cussagl da baselgia üna proposta per ün quadern da dovairs pel caluoster.

1001 021**FABRICA****Annabetta ed Otto Planta – Müdar oura fanestras – Plan da Muglins**

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Il cumün inchascha la seguainta taxa da trattamaint: fr. 50.--.

1002 021**FABRICA****Silvia e Not Gottschalk – Renovaziun fatschada – Sala 223**

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Avant sco cumanzar culla lavur sto esser avantman il permiss dal Chantun per metter sù las puntinadas.
3. Il cumün inchascha la seguainta taxa da trattamaint: fr. 50.--.

1003 340

SPORT

Chaista pels bachers da ballapè

Ils trenaders da ballapè fan la dumonda per eriger üna chaista (vaidrina) pels bachers chi han guadagnà al turniers regiunals. Previsss füss dal tilla montar vi da la chasina dasper la piazza da sport. Il Cussagl cumünal decida da dar il permiss seguaintamaing:

1. La chaista sto esser in larsch (material da la chamonna) ed il vaider sto esser sgür cunter ruottadüras.

1004 830

TURISSEM

Dumonda per metter oura muossavias – Schlaf im Stroh – Madlaina e Ludwig Noggler

Madlaina e Ludwig Noggler fan la dumonda da pudair montar trais muossavias per render attent sün lur sporta Schlaf im Stroh. Ils muossavias vegnan montats i'ls seguaints lös: Plan da Porchs, Plaz e pro la stalla dad Erwin Schweizer.

Il Cussagl cumünal decida da dar il permiss culla cundiziuon cha'l text dasper il logo (Schlaf im Stroh) stopcha esser in rumantsch.

Il cumün in chascha la seguainta taxa da trattamaint: fr. 50.--.

1005 620

VIAS E PLAZZAS

Mür Chasellas – Surdatta da lavur d'indschegner

Il Cussagl cumünal decida da surdar la lavur al büro Jon Andrea Könz, Sent, seguaintamaing:

- Progettaziun da fabrica fr. 3'200.-- (pauschal)
- Direzziun da fabrica fr. 3'200.-- (tet da cuosts)

1006 1210.90

Aczias Biereria Tschlin SA

Aqumaint dal chapital d'aczias

Il Cussagl cumünal decida da nu segnar ingünas aczias novas da la Biereria Tschlin SA.

1007

Orientaziuns

1. Sezzüda da capos (Scuol, Ftan, Tarasp e Sent)

Il capo orientescha, tanter oter, chi sajan entradas duos offertas per elavurar ün proget da fusiun. La surdatta nun ha amo gnü lö.

2. Scoula

Marianne Werro orientescha sco segua:

- La sablunera pro la scoulina ha pudü gnir inaugurada. La magistra da scoulina es fich cuntainta cul resultat ed eir ils uffants giodan lur ambient nov.
- Sco mincha trais ons ha gnü lö eir quist on ün'evaluaziun da la scoula chi muossa sü ils puncts fermes, ma eir ils puncts debels da nossa scoula. Ils magisters sun in dovair da tscherner our dals puncts debels duos temas chi han da gnir tuts per mans per amegldrar la qualità da nossa scoula.
- Las spassegiadas d'utuon han lö als 12 e'ls 13 settember.

3. Concurrenza - Sanaziun chasa da scoula

Il schef da fabrica orientescha sur da la concurrenza d'architectura per la sanaziun da la chasa da scoula. Quatter architects han tut part a la concurrenza. Illa giuria han tut part set personas, da quellas d'eiran trais experts da l'Engiadina Ota. Il büro d'architectura Seraina Felix, Sent, ha fat il prüm rang.

L'actuar: